

Rakan Siswa Yadim UniSZA anjur pertandingan dalam talian, cangkil bakat mahasiswa

Oleh: Nurin Qistina Mohd Ghazali (1180363)

Kuala Nerus, Terengganu: Susulan lanjutan tempoh Perintah Kawalan Pergerakan (PKP) baru-baru ini, Rakan Siswa Yadim UniSZA bertindak kreatif dan inovatif dalam melaksanakan program *Rakan Siswa Yadim Contest* bermula dari 15 November sehingga 28 November secara dalam talian.

Pengarah Program, Ain Nadhirah Nazli, berkata program itu merupakan inisiatif untuk terus menggalakkan mahasiswa supaya mengisi masa lapang dengan menyertai program dalam talian di sebalik kekangan penularan pandemik *Covid-19*.

Menurutnya lagi, program yang bertemakan *Together Feels Better, From Home and With Us* ini dijalankan dengan hasrat untuk menampilkan penglibatan mahasiswa UniSZA yang mempunyai sisi bakat dalam penulisan cerpen dan puisi, berkemahiran menghasilkan video dan sebagainya.

“Program ini adalah gabungan daripada lima pertandingan yang dianjurkan antaranya ialah pertandingan mencipta puisi, pertandingan video eksperimen Sains dari rumah, pertandingan penulisan dakwah kreatif dan sebagainya yang dijalankan bersempena dengan tarikh-tarikh penting pada bulan November sedunia,” katanya.

Ujar beliau, hadiah menarik turut disediakan oleh pihak penganjur iaitu hadiah berupa wang tunai dan sagu hati untuk para pemenang serta sijil penyertaan bagi mereka yang menyertai pertandingan.

Ain Nadhirah turut berharap semoga program ini dapat memberi input yang positif serta bermanfaat kepada para peserta khususnya mahasiswa UniSZA dalam menyerlahkan hasil kreativiti masing-masing dalam pertandingan yang dianjurkan.

Sementara itu, peserta program, Nur Dinie Nadiyah Ismail berkata, beliau amat berpuas hati dengan program yang dianjurkan kerana mempunyai pelbagai pertandingan yang menyeronokkan dan lain daripada yang lain seperti pertandingan eksperimen Sains dari rumah.

“Sebagai salah seorang peserta, saya berpendapat bahawa program yang dianjurkan amat menarik kerana ramai sahaja mahasiswa yang berbakat tetapi tidak mempunyai platform dan medium untuk menyerlahkan bakat tersebut, jadi inilah peluang terbaik bagi mereka,” katanya.

RSY Contest:
Together Feels Better,
From Home and With Us

15 hingga 28 November 2020
Secara Rsear Talian (Online)

Pertandingan Yang Akan Dijalankan

- Pertandingan Mencipta Puisi
- Pertandingan Video Stay At Home Bersama Anak-anak
- Pertandingan Tongue Twister Challenge
- Pertandingan Video Eksperimen Sains Dari Rumah
- Pertandingan Penulisan Dakwah Kreatif

f Rakan Siswa YADIM UniSZA
@rakanisruayadim-unisza #JOINRSYCONTEST

Program anjuran Rakan Siswa Yadim UniSZA terbuka kepada semua mahasiswa UniSZA

